

安

燕

遷

安
燕
遷

(五)

船

燈

PDG

重修安徽通志卷一百七十九

人物志

官績二

安慶府

張涪字希古桐城人隆慶戊辰進士知永康縣素多姦黠健訟涪至判決如流吏民駭服凡斷訟片晷分析鄉民裹飯一包即可了事因呼為張一包又謂其敏如包拯也巨盜盧十八剽庫金十餘年不獲御史以屬涪涪刻期三月必得盜及擒十八報御史僅兩月耳民有睚眦嫌輒以人命訟涪驗無實即坐之自是無誣訟者歲旱嚴禁劫奪有奪五斗米者涪佯取死囚杖殺之而榜其罪曰是劫米者眾皆懾服累官浙江副使時議散浙東召募兵兵皆淘涪涪請汰其老弱留其壯勇則可免亂從

重修安徽通志

卷一百七十九

人物志

官績

一

安慶府

之遂定官終陝西布政使

明史

王嘉柔字惟則潛山人隆慶辛未進士知從化縣地僻南徼權埋自雄小民荼苦罔告嘉柔撫字惟勤時劇盜萬向興倡亂地方搖動嘉柔設計擒之民德焉以災方勞瘁卒官

江南舊志

劉尚志字士行懷甯人隆慶辛未進士知歸善縣再補山陰兩

邑有神君慈母之稱以薦入諫垣張居正柄國繩下嚴尚志上

緩刑一疏鄒元標以劾奪情獲罪抗疏救之尚志本出張之門

不顧也歷江西少參浙江海道選將練兵為防倭計甚悉遷福建

觀察轉山東左布政致仕歸尚志性孝葬父躬勸負石墓木

生連理人稱孝感

江南舊志

韓棟字迦高懷甯舉人知江夏縣簡素不媚上官張居正甚重之臺司因而延譽張公子自試出有陳泉者為張宴於黃鶴樓

有藤坐三主辦者貸於紳家公子登而屢顧之陳使人告棟全買其全以獻棟不應陳自出重資強棟轉乞之棟即日解冠上官皆留之不得

江南舊志

吳偉字士悅桐城人以貢知寶慶縣清潔自守令譽嶢然歸使

擔竹簾過太守見之問何物傾之僅檀香檯數升守為歎息久

之

安慶府志

吳承恩字本賜桐城選貢知河陰縣黃河南徙民患之承恩請

於神河忽北去四十里令民於其堽築隄植柳數十萬耕牧其

中遂成沃土後大饑民剝柳膚為食曰此吳公活我柳也遷判

潞南父老攜錢為贖承恩曰昔劉寵受民一錢吾不逮劉乃取

二錢受之

安慶府志

韓選字惟賢桐城舉人官定州知州政務利民不避權勢畫奇

重修安徽通志

卷一百七十九

人物志

官績

二

安慶府

捕盜民賴以安

安慶府志

吳江字元濯宿松人萬曆七年知崇義縣開狗腳嶺路建朝天

關修學宮御史陳炯記之

江西通志

盛世承字以烈桐城人萬曆丁丑進士以部郎出為按察司副

使備兵大同時邊事旁午世承取以鎮靜威信所至西人懼服

轉陝西右布政蘭州機戶疲於貢絨世承力蘇之調四川左布

政會有事於播播平又為善後策蜀人賴之病免再起以原官

備兵陝西按部墾河灘荒地千餘頃為秦中世世利後為光祿

卿以瑄禍削職崇禎初起原官卒年八十八

江南舊志

劉坤字擇華懷甯舉人官荊州推官風裁凜然有溫御史之稱

後以議江陵奪情為所計遂告歸

安慶府志

盛世翼桐城進士萬曆中知樂安縣戊子歲大饑捐俸賑之

親至各鄉勸義得助千石者六家數百石者無算民賴以生修學均徭一清如水百姓至今思之

江西通志

任可容字子賢懷甯人萬歷丁丑進士授中書舍人轉工部員外出知處州理民開利病如家事屬邑有以香蕈進者中匿金

以嘗之懲其解役遣去轉惠潮道兩屬皆海防重地嚴飭武備壁壘改觀遂一敗倭於碣石再敗倭於南澳有出海船三十餘

隻稱係總督家人可容盡逮而置諸法南澳獲洋商五十四人總督誤以爲賊力白其冤盡釋之尋轉本省鹽屯道以勞瘁卒

於官

江南通志

容若玉字崑石懷甯人萬歷甲戌進士知晉州多善政創建書院進諸生講道論業燕趙之間彬彬有齊魯風焉升江西嶺北

道值岑賊嘯聚廣中和平諸境聲言奔轅會撫道俱遷去玉以重修安徽通志

卷百七十九

人物志

官績

三

安慶府

一人攝藩司篆兼程假節鉞鎮之出兵大龍以保要害因檄嶺北其截其歸路遣諜者火其巢賊失據一戰縛之以積勞成疾

卒

江南通志

葉隆光字朴齋懷甯人萬歷庚辰進士知閩縣愛民如子入爲吏部驗封主事轉員外郎本姓聶至是請復姓焉尋同萬國欽

鄒元標疏請早定國本削籍家居杜門光宗立詔求當日言事諸臣而隆光已卒贈太僕寺少卿

江南通志

吳彥之懷甯人萬歷開福建歸化主簿愛惜小民不輕鞭朴不取紙牘有吳菩薩之稱

福建通志

汪道亨字雲陽懷甯人萬歷癸未進士授戶部主事出守泉州泉人稱爲恩父累遷廣東布政使平欽州賊有功入爲應天府

尹特疏請增科額尋以右副都御史巡撫宣府繕修亭障撫輯

邊人塞上無警卒贈兵部尚書

一統志

方大美字黃中桐城人萬歷丙戌進士授常德推官廉潔愛民政多卓異擢御史巡按江西抗稅瑞瑞使治尤加意士風造就甚眾轉按河南中州大旱捐俸賑荒全活萬人終太僕寺卿

一統志

徐堯莘字賓嶽潛山人萬歷丙戌進士由戶部主事出知永州鞭朴不施郡中大化歷荊州知府中官陳奉開礦沙市掘家窟

室道路以目莘約其騶從不得逞大帥劉綬征播調兵數省途出於荆民爭避之莘爲經紀信宿地民獲安堵神宗夢其勞賜

以銀卮歷廣東按察使廣西布政使司

一統志

楊材字遜生懷甯人萬歷己丑進士知漳浦縣歲歉親核貧民給其食凡不便於民者力請蠲之漳民訟曲者多食斷腸草乃

重修安徽通志

卷百七十九

人物志

官績

四

安慶府

令不直者許焚草以代鉤金民多全活入爲戶部主事給散京城各衛軍餉秉公無私遷吏部考功以執法忤當軸遂歸光宗

立起太常卿轉左通政

福建通志

吳用先字體中桐城人萬歷壬辰進士知臨川縣均賦便民民懷其德擢戶部主事歷官浙江左右布政晉都御史撫蜀時播

酋亂大將劉綬以議餉未進先躬躬帥師先之督綬等合戰戮力剿撫數月蕩平尋謝病上其勞特賜考績予告家居八年

起少司空改樞貳總督薊州建防禦十策彈力籌畫會瑞禍起致政歸

江南通志

金忠士字麗陽宿松人萬歷壬辰進士知樂平縣舊英敏有德威治務整大綱不苟繁瑣建麗陽書院修舉廢墜建置橋梁

通志擢御史劾奸弁袁守時中貴邢隆立寢徵稅銀一十五萬

江南民獲更生巡按貴州浙江河南三省定水西平路苗降思南賑荒平獄招撫流移以劫潞王不法事忤旨出爲重甯參議遷榆林副使會濟農案金幣犯邊忠士擊敗之擢僉都御史巡撫延綏奏行等邊七議威名大著卒贈兵部右侍郎子星耀蔭錦衣同知魏璫用事乞假歸崇禎時起官上止殺疏莫不傳頌

一統志

胡璣字伯玉桐城人萬歷乙未進士授都水司主事分司南旺兼督泉開駐濟甯泗水所注噴修金口壩遏之河決黃垌運道堙阻璣贊總理河漕劉東星濟魯魯河故道益治汶泗開泉數百引漕甚便又督修琉璃河橋三年橋成省費七萬擢江西左參政告歸

明史劉東星傳

重修安徽通志

卷百七十九

人物志

宣統

五

安徽府

何如寵字康侯桐城人萬歷戊戌進士由翰林歷祭酒至禮部右侍郎因與左光斗同里友善職歸崇禎初起禮部尙書宗藩婚嫁例請於朝貧者爲部所稽白首不能完家室用如寵請嫁娶者六百餘人京師戒嚴架黠者請以私財聚眾助軍朝議壯之如寵力言不可帝偵之與如寵言合由是受知晉東閣大學士帝欲族袁崇煥以如寵申救免死者三百餘口稱病乞休疏九上乃允卒贈太保諡文端

明史本傳

何如申字仲嘉如寵兄也與如寵同舉進士官戶部郎中督餉遼東有清操軍士請復畱二載終浙江右布政使

明史何如寵傳

吳承顏字錦崖桐城人以明經謁選補建安丞凡陋例羨金一切謝卻攝崇安建安壽甯三邑皆有廉聲乞休歸惟圖書數卷足不入城市

安慶府志

江之湘字楚望桐城舉人司鐸江陰遷我囑令有兩生以父仇

誣陷瘕獄立雪其冤地有白鶴潭民病涉之湘捐資填治水患以息至今稱江公潭邑祠祀之卒年八十五

安慶府志

劉鉅字子堅懷甯舉人授紹興府判值湖藩以兵荒乏賑廷議浙省運銀濟之鉅承委部運既輸官餘耗千金歸盡還之省省使驚歎

安慶府志

重修安徽通志

卷百七十九

人物志

宣統

六

安徽府

其持議嘗與黨人相摺挂深爲所忌遂出爲廣東副使天啟初起太僕卿爲魏黨所劾削籍崇禎時復官

明史本傳

姚之蘭字汝芳桐城人萬歷辛丑進士知海澄縣開九都水利化斥鹵爲膏腴居民德之名其地曰姚港升杭州知府訟無留獄接士以禮去之日郡人立德碑祠於吳山及西湖兩處又知汀州適朝議加餉乃搜府庫藏所餘者佐以贖羨新餉五千金完如額不以累民將超擢以母老乞養歸上嘉其急公愛民晉秩副使以榮其歸焉

浙江通志

劉允昌字燕及桐城人萬歷甲辰進士知宜黃縣調臨川不畏強禦摘奸發伏如神遷廣濟多決疑獄他邑質成者畢聚江隄久圯改築之益廣且堅邑民素苦漕運爲條陳上直指得減半折兌以疾卒官

一統志湖

馬人龍字霖雨太湖人萬歷甲辰進士授戶部主事以勸邊秦績權稅潯江賈人德之爲立祠焉升貴州守調武昌轉本省督學副使校士公明眾論肅服以艱歸起補三關兵備轉桂林道苗犛大誼人龍修戰艘繕城郭禦之歷湖廣右布政引疾乞休

歸江南通志

吳應琦字景韓桐城人萬曆甲辰進士擢御史巡按雲南值兩鎮並建貢金驛驛應琦奪鎮印於其子以還其父又力言滇方遠苦請免貢金之半諸明經應貢者苦萬里裹糧特疏免其廷對就試本省滇士戶祝之尋補浙江道接順永保河諸璫相戒勿犯累官南大理卿致仕歸年八十餘卒

江南通志
安慶府志

方學御字明卿桐城人以貢官廬州教授郡守聞其清操以疑獄屬之執法剖決不可干以私除知臨湘縣以德化民不任刑

安慶府志

重修安徵通志

卷百七十九

人物志

七

安慶府

罰尤崇獎學校延進賢俊庭論經史詢利弊卒於官貧無以斂紳士致賻襄事

安慶府志

姚之騏字渥源桐城人萬曆丁未進士知湘潭縣性剛直政務利民尤加意學校勤於課士湘民有只喫湘潭一口水不染長沙半點泥之謠卒於官貧無以斂監司王志遠爲經紀其喪

湖南通志

倪應春字申之桐城人萬曆丁未進士知上杭縣擢御史數陳

通志

皆軍國重計光宗賓天引春秋不嘗藥正紅丸之罪李選侍移宮羣議鼎沸乃上仁義兼盡之疏及楊漣去國復抗疏保畱一時數其正直晉太僕卿璫禍起削奪同籍

江南通志

任國楨字士彥懷甯人萬曆庚戌進士授戶部主事督淮安稅務鈔溢五千悉解內帑遷知袁州袁故多盜楨集百姓訓戒有

犯者令其父兄自治期年荏苒無攀推山東兵備京師戒嚴振旅入援上嘉其忠特簡楚臬以母老乞歸

安慶府志

何早字白夫懷甯人萬曆癸丑進士知海鹽縣縣市肆有門攤商稅派多失均核而差等之因大蘇行鹽票多至六千滯正引早請減票二千鹽課以足擢御史巡視下江道璫李明道督淮漕建議民運早力陳其不便削籍去崇禎初銓部交薦奉有鯁直端方之旨賜還里

江南通志
安慶府志

方大鉉字君節桐城人萬曆癸丑進士授刑部主事張差獄起同官王之案欲窮治其事大鉉泣而止之保全甚眾以艱歸廬墓三年起補戶部卒於官

安慶府志

吳善謙字伯亨桐城舉人任台州推官俗佻難治兵以餉不時給每萃譟謙既任事兵民安輯崇禎初擢御史上求治方殷善

八

安慶府

重修安徵通志

卷百七十九

人物志

八

安慶府

謙首贊實政上甚嘉之

安慶府志

盛可藩字屏之桐城舉人授龍泉教諭升主事督運通州禁革陋規又督運昌密二鎮邊糧如期報完以瘁成疾卒於官贈光祿少卿

安慶府志

齊琦名字越石桐城人萬曆癸丑進士授大理寺評事以明恕稱典試蜀閩甄錄皆名士轉戶部清屯糧二萬餘出守紹興清

安慶府志

白自矢致仕歸

安慶府志

黃文星字辰北潛山人萬曆癸丑進士知同安縣甫越月颶風發民居幾盡文星經紀年餘盡復其廬舍調清豐治績益著擢

安慶府志

駕部郎以瘁卒官櫬歸行李蕭然

江南通志

李載圃字東梧太湖人以貢授東平州同知人莫敢干以私治

安慶府志

聲大著委查各縣所至慚懾

安慶府志

吉以升字南階太湖人以貢知浦江縣有善政民稱曰子路重來弟以復守鄞州亦稱能吏時謂二難江南舊志

陳所學字載揚太湖人以貢授鎮江教授升隆平知縣歷安甯知州革火耗崇學校歲歉捐俸施粥全活甚多厝道殣立義館

惠政不可勝紀上官咸稱為清廉第一卒年八十餘江南舊志章以逢太湖舉人知淇縣仁惠有聲民頌為章母尋乞休卒邑人祀之晉宗府志

李廷相字三望望江舉人授泰安學正擢知平穀縣縣為邊徼飭備安民戶夜不扃府志

龍子甲字汝成望江人以明經任教職擢知濟陽縣縣苦馬政歲耗萬金子甲釐其弊民始甦妖賊鄒勝作亂鄰邑無堅城獨

濟陽守禦有方得不破性至孝母徐氏年九十歿居喪猶孺子

重修安徽通志卷百七十九人物志 宣統 九 安徽府

石汝瑩字琇夫宿松舉人授沔陽知州載薪米赴任曰吾所飲楚水耳到任修葺學宮優士勤課民無冤獄吏不舞文有青天

之譽卒於官祀名宦江南舊志汪文偉字純符宿松舉人知崇德縣寬和廉明民戶祝之調靈

邱致仕歸同邑楊可晉字麗明以貢授全椒學博勤於造士卒於官臨江酌送者數百人府志

方大任字玉成桐城人萬曆丙辰進士知元城縣擢御史魏瑄墳塋越制特疏糾之削籍崇禎初召復故官升都御史巡關獨

出關千里外與總督袁崇煥經畫方略巡撫順天出守通州賊圍城誓以死拒一子甫數齡大任作家書與之訣選者得之以

聞上嗟歎久之圖解遂得疾告歸江南通志

方孔炤字潛夫桐城人萬曆丙辰進士知嘉定州發奸如神以忤上官調福甯為建學宮開玉帶池入為職方郎忤崔呈秀削

籍崇禎初起故官以報歸定桐城民變還朝以右僉都御史巡撫湖廣擊賊李萬慶馬光玉羅汝才於承天八戰八捷時熊文

燦納獻忠降處之穀城孔炤條上八議言主撫之誤已而賊果叛文燦乃檄孔炤防荆門當陽孔炤請專斷德黃守承天護獻

陵會楊嗣昌代文燦令孔炤仍駐當陽惠王常潤疏言孔炤有來家河神通堡之捷陵寢得無虞請增秩入任章下部未奏而

部將楊世恩羅安邦奉調剿竹山寇深入至香油坪而敗嗣昌

枝其異已劾逮詔獄子以智伏闕訟冤議議陵寢功多減死成紹興復以薦起右僉都御史屯田山東河北馳至濟南而京師

陷南都馬阮亂政歸隱十有餘年而終一統志福建名宦明史鄭崇儉傳

重修安徽通志卷百七十九人物志 宣統 十 安徽府

吳叔度字勿銘桐城人萬曆丙辰進士授工部主事權杭州南關杭人為鑄權政上下篇以紀之尋守黃州黃梅盜起氛甚惡

叔度曰此烏合易與耳單騎往諭即解散後再入為工部卒黃人思其德祀之蘇祠之傍府志

沈立義太湖人萬曆丙辰進士知樂清縣每至耕斂時輒弛征以紓民力俗尚厚險至破產生女多不舉立義勸諭之風俗一

變有戴生病不能娶出資助之擢戶部主事歷工部轉長沙守長沙轄地廣撫字催科兼得其理以勞卒官浙江通志安徽府志

何應奎字任城桐城人萬曆己未進士知吉水縣政尚廉平擢禮部主事歷吏部郎時鈴政久壞應奎深心調劑疏冗滯杜苞苴為時所稱府志

保障母爲繭絲之語政尙簡惠一意撫循引疾歸靈山如失慈
父母辛年九十三府志

葉耀字太素桐城人以恩貢授武進訓導歷知文高縣清慎如
寒素折獄多平反稱嶺南循吏第一卒年八十二府志

劉之廣字若颺桐城人以歲貢官遂州知州署儀隴有惠政民
德之嘗辨江右木商羅股之冤爲出其罪後殷孫大任成進士

入翰林造廬道謝人始知之府志

黃朝臣字惟敬潛山舉人官海州學正守廉其賢以征科相屬

素稔民因悉裁羨餘守歸感其誠亦自裁其餘遷麻城知縣未

赴卒府志

舒鵬字應舉望江人以明經官平湖縣丞署邑篆時值兵荒流

移載道招集勸墾民安其業又捐俸修學多士懷之擢知南海

重修安徽通志卷百七十九

人物志 宦績

土

安慶府

縣以外艱歸母老遂不出弟塗亦以明經判九江有惠政家居
兄弟相師友並年近八十餘府志

孫繼陞字我揚桐城貢生萬歷開授海門訓導請開南關外石

閘旱歲引水入河潦歲洩水出海民利賴之又築利河鎮海隄

期月工竣擢河南項城知縣賑水荒役丁壯濬河擊殺潁州銅

陽城積寇殆盡威惠大著調山東鄆城擊敗朱賊尙營獻策於

河院李若星討平之衰老乞休去官崇禎初以員外郎召不起

桐城縣志

齊心孝字君求桐城人天啟壬戌進士官編修與黃道周倪元

珞齊名府志

倪嘉善字瓊圃桐城人天啟壬戌進士官崇禎時授檢討廷對疏

論君德甚悉朝鮮擅廢其主命草檄討之遷國子司業上幸太

學命講泰卦充經筵日講官時國步艱難以憂勞成疾卒府志

姚孫渠字石嶺桐城人天啟壬戌進士知龍游縣地產竹樹採

買爲患力請停之乃蘇其賦商民相與立祠再補晉江瀕海爲

鹹潦所淤居民流離孫渠捐募糴穀以賑全活數萬擢御史章

奏悉中時弊彈射不避權貴官至尙寶卿府志

孫晉字魯齋桐城人天啟乙丑進士知南樂縣清驛釋繫戢豪

賑饑調滑縣報最擢給事中首劾權相疏凡九上以忤溫體仁

左遷大理寺正特疏出劉宗周金光辰於獄宣督乏人上特簡

之受命半載徵兵徵餉積勞成疾乞休歸明亡有薦之者辭不

出府志

王揚基字爾抑潛山人天啟乙丑進士歷知錢塘東鄉進賢諸

縣治績稱最遷工部主事以艱歸服除從少司馬督剿餉轉楚

重修安徽通志卷百七十九

人物志 宦績

土

安慶府

驛鹽道以援漢陽有功晉楚撫闖賊陷承天左良玉引師東指

獻賊復連破蕪黃陷武昌揚基率罷卒數百從湖南循袁州繞

彭蠡至江州與良玉軍會涕泗誓師上諭恢復顯陵甲申春率

諸軍大舉循漢川而上聞京師陷以憂卒府志

左光先字三山桐城人光斗之弟也以舉人知建甯縣擢御史

巡按浙江任滿既出境適許都倡亂反東陽光先聞變疾返命

將擊之連收其所據四邑都退保紫微山紹興司理陳子龍欲

降之光先不可執而戮之福王立馬士英薦阮大鍼光先力爭

大鍼得志逮光先亂亟道阻乃止明史

黃自泰字體白太湖舉人歷官主事奉差採銅常德不擾民不

病商升湖廣驛鹽道江南趙璧字連城太湖舉人知平樂縣歲餞捐資貸賦民賴以安調

慶元循聲益著慶人立祠祀之升建甯同知清餉除盜有功將題擢遂乞歸年八十九安慶府志

方九思字心齋太湖貢生官四川布政司經歷署蘇州興利除害如謀子孫忘其為代庖也去任日父老子弟如失慈母乞養歸安慶府志

雷永祚字長卿太湖舉人官臨清北徐教諭訓迪有方司理餘杭多所平反解組日行李蕭然同邑尹大勛字淡明以貢官濟陽教諭日與諸生講學不輟人嚴事之安慶府志

韓一先字麗陽懷甯人崇禎戊辰進士由行人授監察御史時瑞欲雖熄二三漏網者尚柄用光疏凡十上列其奸賄流寇猖狂特疏為皖預增兵餉當事者視為不急俄賊兵犯境王師敗績出按蜀悍宗大吏為之凜然後擢大參治兵濟南為舊勅吏

重修安徽通志卷百七十九人物志 宣統 三 安慶府

所誣罷歸里卒年八十二安慶府志

汪游龍字六御懷甯人崇禎辛未進士知靈山縣地接交趾蠻戶黎人時煽為亂游龍練兵設餉民賴以安調番禺海寇劉香

老人犯當先決戰不避矢石香老就擒擢御史士民號泣遮擁有隨舟數百里者按閩值黃道周以劾楊嗣昌被謫力疏救之卒於官僚屬往斂惟敝衣數襲而已江南通志

戴昶字無睢懷甯人崇禎辛未進士授工部主事詔修都城程物量工如治家事饒苦兵燹上疏請蠲轉濟南道土寇李雲焚

拆無忌練兵堵截賊其渠魁寇平轉山西提學道卒於官安慶府志

汪國治字君嗣桐城人崇禎辛未進士知閩縣愛民如子革火耗免羨餘調揭陽海氛先熾嚴保伍勸農桑一邑帖然奏最擢戶部主事督運通橋以功升郎中除山東兵備參議歲饑殫心

輸濟引疾歸時里中方有寇警即捐餉登陴為士民倡會幼子遇賊害感痛卒安慶府志

汪大勛字庸廷宿松人以恩貢任龍游丞署開化案凡應納贖銀者以貧苦告即豁除之休致歸中途燬火不繼鄉居蕭然年八十餘卒安慶府志

高宏量字心完宿松人以貢歷處州教授正士習培士氣處守陰揭一士挾之取印堅不肯從守怒逕申之以無學篆遂寢處士深德之初皖人任可容守處民立生祠祀之至是以宏量配安慶府志

石尚貞字戴素宿松人官膠州判累擢蒼梧令兩臺有疑獄悉委代鞠以入覲卒於里安慶府志

光時亨字羽聖桐城人崇禎甲戌進士知榮昌縣治聲丕著擢刑科給事中疏言有銓政始有人才有政事始有財用人傳誦

之李明睿建議親征為南遷計時亨疏言平禍亂在安定人心今一城洶洶不為城守計皆明睿一言誤之京師陷時亨南歸馬士英謂其阻南遷殺之安慶府志

倪祚善字永錫桐城人以貢知永興縣洞寇猖獗繕甲厲兵寇不敢犯遷判岳州岳陽樓東有白煙一綫上沖霄漢三日不絕訛言城將災祚善備請以身代煙即息補金華同知許都倡

亂首犯金華祚善力為保障亂定誅其渠魁寬嚴得宜以功升處州知府浙江通志 安慶府志

左光明字允之桐城人以選貢歷官武平知縣地疲瘠軍民雜處光明革羨恤獄解懸繩峯官田之累武民大蘇登盜竊發置社倉練鄉兵建營橋為守禦計他如進士嚴楚罷礦役毀妖樓

重修安徽通志卷百七十九人物志 宣統 三 安慶府

皆偉績解組歸年七十八卒安慶府志

蔡渾字伯通懷甯人崇禎庚辰進士授吏部稽勳主事改文選

主事渾敘流品門庭闕如嘗憤要津持銓司短長乃倣范仲淹

百官圖將除授淺深分注小冊遇有屬託即發冊示之見者慚

退升員外郎告歸江南通志

宣國柱字若木懷甯人崇禎庚辰進士擢兵科給事中經國大

務章十餘上皆允行然不邀嫌怨卒以讒下獄詔再鞫始獲昭

雪以母老乞歸江南通志

姚孫棐字戊生桐城人崇禎庚辰進士知蘭谿縣南米最為蘭

困自邑達壩數千里力請改折蘭承賴之調東陽許都倡亂探

城無兵突發陷城孫棐馳走深山招集義勇乘元旦賊懈掩擊

之遂收復城池誅斬無算旋命家置火器戰具以守賊復來寇

重修安徽通志卷百七十九 人物志 宣統

手射卻之蘭谿縣志

璩伯崑字山甫桐城人以副貢知武甯縣邑西柯源洞居人出

沒無常舊設銅鼓營以鎮之伯崑孚以誠信頑梗悉化又為均

賦清祇定畫一之徵民食其利巨盜熊元化累捕不獲至是自

首日我不惜一死累賢侯也擢御史引疾乞歸安慶府志

錢孔芳字含仲桐城人以明經授蕭山學博署邑篆夜夢持斧

人跪乞命晨見一尸浮泮水池素與河通意漫流所入召匠合

木為瘞視匠谷有面憶夢語執訊之即其所手刃一邑稱神明

方象賢字廣野桐城人以貢授黃州判督糧剿寇有功升高州

府海防同知復以逐退狼寇功轉廣州府同知歷兵備副使安慶府志

蔣臣字一个桐城人崇禎時舉賢良撰足國三議議漕屯及鈔

甚悉范景文倪元璐前後皆薦之授戶部司務明亡自經為人

所救遂開道歸史可法鎮淮為策淮上情形數事史欲以監軍

薦固辭歸里鬱鬱而卒安慶府志

陳文顯字微之太湖人崇禎甲戌進士知南城縣宗藩橫甚文

顯以法繩之不敢逞難歸起補雷州推官治獄平反雷人立祠

祀焉擢工部主事道聞京師陷將膺勸哭旋里隱居

國朝順治中累薦不起時年僅四十餘也著有率素齋詩文行世

重修安徽通志卷百七十九 人物志 宣統

雷績祚字介公太湖人崇禎十三年帝思破格用人疏庚辰特

用績祚以舉人得刑部主事首劾楊嗣昌六大罪可斬鳳陽總

督朱大典安慶巡撫鄭二陽河南巡撫高名衡山東巡撫王公

弼宜急易十五年備兵武德疏劾督師范志完縱兵淫掠召對

平臺侃侃直陳乃誅志完而令績祚還任尋以難去福王立於

南京馬士英以績祚及周鑣會主立潞王議令朱統鑣劾姜曰

廣因及鑣績祚請悉置於理遂令逮治同賜自盡故事小臣無

賜自盡者以左良玉兵東下故阮大鍼輩急殺之明史姜曰廣傳

倪藻字華陽懷甯人以貢官蓬州判蓬民素黠藻孜孜迪之以

善駁多向化以勞卒官安慶府志

江夢鶴字懷天懷甯舉人署泰興教諭程士有方晉信州同知

王之慶字修祐望江人以貢知尤溪縣政成卓異因親老致仕
流寇披猖之慶糾集鄉人立社保聚既沒與左光斗雷績并
祀曰三賢祠江南通志

宋儒字文卿望江人官錦衣衛千戶典告密儒性廉惠死獄必

求其生囚故無藉臥輒僵死儒奏以牧象草藉之繫者缺食又
奏以無主盜賊食之遂定爲例後鄰連不戒於火焚燬略盡儒
家獨存蓋陰德之報云江南通志

左國柱字碩人桐城人光斗長子光斗死瑞禍國柱重繭數千

里具血疏伏闕號冤得昭雪復官國柱後以副貢令浙之武康
邑白糧久爲屯丁侵掠勒索無休國柱力請官兌民困乍蘇如

出湯火至今頌之安慶府志

周夢蓮字仲濂桐城人官平陽主簿鳳浦江球歲以潮嘯傾圮

重修安徽通志卷百七十九人物志官績七安慶府

大爲農患當道委夢蓮往治之躬督春鋤埭堅患息後移金鄉

城當海口歲遭颶風將就圯夢蓮出獨智經畫板幹工役三月

城成吏之能而敏者稱焉桐城縣志

方可選字贊明望江人以明經授壽昌學博兩署邑篆邑多山

寇出沒民人駭散可選招徠撫輯申保甲以相糾覈招鄉勇立

團聚以相守望奸宄無所容士民復業以病乞休士民泣送至

境安慶府志

龍應鼎字禹九望江人官海門學博時總兵官鄭芝龍重兵壓

城勒輸金二萬令與尉俱逃應鼎獨入鄭營長揖不拜芝龍奇

之畱飲盡歡旋撤師去沿海數百里賴之以安以母老乞養歸

應鼎性孝少嘗刲股愈父疾鄉儼設粥作賑鬻產糴米以爲之

倡全活者無算一統志

吳德操字鑑在桐城人以黃道周薦授福建長汀知縣入粵以
瞿式耜薦擢監察御史會劉承允擅柄挾桂王之武岡德操爭
之承允怒逼王予杖再起御史至大理寺丞轉徙艱難備嘗荼
苦而直節益著遂卒於粵桐城縣志

重修安徽通志卷百七十九人物志官績七

大安慶府

重修安徽通志卷一百八十

人物志

宦績三

安慶府

國朝方拱乾字肅之桐城人前明崇禎戊辰進士官庶常歷升少詹事充東宮講官經筵日講順治初江督馬國柱薦起補宏文館學士尋除少詹事會上疏數千言多切時務與修大訓等書為忌者所中蒙

惠賜歸

張秉貞字元之桐城人前明崇禎辛未進士歷官蘄黃江防道

時流賊踞楚中躬擐甲胄晝夜視師賊不敢逼內召陛見疏陳

戶曹七事擢順甯道平五馬賊以艱歸服除起都御史巡撫浙

重修安徽通志卷一百八十 人物志 宦績

江知天命有歸安戡人民部署版籍以待

王師浙西傳檄而定兵民安堵授禮部儀制郎歷官刑部尚書治獄

持平解枉釋滯改兵部運籌軍國以勤勞卒於官諡僖和

府志 安慶

馬之瑛字正誼桐城人前明崇禎庚辰進士知陽江縣以廉卓

徵順治初總督馬國柱薦出佐長蘆鹽幕遷知定陶縣值李化

鯨陷城後民物凋弊之瑛招集拊循漸復其舊邑以偽印事株

連數百委曲移訊無辜盡釋又盡革陋例均濱河夫柳之役陶

地多豪右侵占之瑛丈實匿地二千餘頃豁免空糧為陶永利

擢兵曹主政以勞卒官陶民至今思之

劉餘諱字良弼懷甯人前明崇禎癸未進士順治初授刑科給

諫凡經國要務疏屢千言以病乞歸

張清議字君賀懷甯人前明崇禎癸未進士順治初勘荒江上

又督鑄寶泉搜其利弊立有條法永以為例尋備兵灤水獐獐

反側乘風雨夜擊之一戰擒其渠魁量移川北西山寇發清議

總攝軍務崇朝滅賊民不知有兵引疾歸蜀人建祠祀之卒年

七十七子超方順治己丑進士知盤屋縣有治聲

姚文然字若侯桐城人前明崇禎癸未進士授翰林明亡閉戶

自經以救甦順治初擢禮科給事中康熙中掌印工戶二垣銳

意建白彈劾不避權貴如疏請創設直隸晉豫總督彈奏撫委

用私人糾憲臣二十餘人之溺職而請寬大臣提解一疏尤為

得體他如請免四川湖廣江西浙江江南五省採辦楠木之害

論朝審重囚之酌予句除錢糧考成之分別開復皆關國計民

生擢左副都御史升刑部侍郎充會試總裁官得韓葵為第一

重修安徽通志卷一百八十 人物志 宦績

升刑部尚書理冤清滯校閱爰書恆至夜午年衰有疾諸子諫

之不聽嘗曰刃殺人於一時例殺人於萬世其可忽乎卒於官

諡端恪雍正八年

詔祀賢良祠

王大初字以介桐城人順治丁亥進士官翰林編修因病乞休

家居九載起為江右參政督視漕務悉革陋弊停差下州邑而

一紙慰諭通問僚屬謫然如家人而急輸恐後期會無愆公暇

課士論文春風滿座時有冰鑑之目

程芳朝字其相桐城人順治丁亥榜眼授編修歷官太常寺卿

視學畿輔絕去竿牘獎拔寒素奉使安南馳驅泥瘴宣暢威德

遠人爭賦詩送芳朝亦答和以為榮性嚴介不肯依附遂移疾

歸

方享咸字吉偶桐城人順治丁亥進士知獲鹿縣察奸賊盜有聲調麗水築好溪堰通濟堰田無旱潦利及鄰邑擢主事升郎中恤刑湖廣江西多所矜豁

世祖章皇帝召入禁內作書各一幅授陝西道御史未久罷歸府志

何采字敬輿桐城人文端如寵之孫以江甯籍成順治己丑進士由庶常歷侍讀文章翰墨爲一時詞臣之冠

世祖章皇帝嘗比之蘇軾氣節高峻不諧於時以疾歸府志

潘士璜字鳴珉桐城人順治己丑進士知東陽縣時寇氛未靖總兵馬進寶駐劄金華防弁攘奪民甚苦之士璜力請當道連

罷數員民賴以安府志

吳道觀號達田桐城人順治己丑進士知商水縣性本慈愛政尚寬平教士勸農一務節儉禁民無得滄女邑產女呼爲桐女

重修安徽通志卷二百八十 人物志 宦績 三 安慶府

所以報也以最行取不果反中考功議罷歸府志

彭燦字孔哲桐城人順治己丑進士時鼎革方新中式者皆擢用燦氣度從容狀貌魁傑

特簡粵西參議授節鉞擬開府單騎就道理軍務葺月四境懾服駐粵

親王器重欲以巡撫題授固辭晉河南副憲告歸府志

黃之正字貞子太湖人以貢知新會縣未入境海寇攻城甚急或止其行之正厲聲曰既奉簡任此卽新會主也安忍秦越視

之從開道入城城值糧絕內籌餉外設備衣不解帶者七十餘日賊始退自是撫綏殘喘招輯流亡民戴之如父母歷太原同

知以疾告歸府志

黃之麟字瑞白宿松人順治初以貢知江西興國縣縣界楚閩粵久爲賊巢之麟招降其渠王大勇擊巨賊孫可貴滅之剿平

梅窖洞賊曾拱辰寇亂始息寬免賦額墾田糧二千八百石有奇民深德之敘功紀錄以疾乞歸一統志

陳登瀛字元卿望江貢生知灌陽縣縣自兵燹後戶口逃散田地荒蕪招徠開墾遂還舊觀升德慶知州以勞卒官兩地皆祠

記之府志

金繼望字又呂望江拔貢知宜陽縣兵荒之後招集勸墾民遂樂業擢兗州府管河同知周歷河干修築石香爐梁家樓新月

諸隄水患頓息又以餘力賑饑修曹縣學考最晉九江知府九江與望江接壤省墓畢不問家事卽單車就道卻私餽勸吏事

以勞卒官一統志

高文徵字子足潛山貢生知平陰縣到任一月河水沒縣東田數千畝力懇大吏疏請蠲免兵燹之餘重興學校講道課文士

重修安徽通志卷二百八十 人物志 宦績 四 安慶府

風興起在官僅四月以疾卒士民頌之府志

汪宗魯字子鳧懷甯人順治壬辰進士知縉雲縣多惠政升知沁州薪水悉自給民有訟刻木爲皐皐令自拘到立剖之修城

及學宮立義冢養濟院沁有劇盜十數輩爲害設法擒獲在官六年民懷其德終禮部員外郎一統志

陳焯字默公桐城人順治初以拔貢入成均選擢中書制誥多出其手請與秋試遂於辛卯壬辰聯捷授兵部主事念親老乞

養歸親歿廬墓三年府志

方兆及字蛟峰桐城拔貢授中書舍人甲午膺鄉薦屢遷刑部郎中矜慎詳允贊畫平反多所全活升山東濟甯道地當南北

之衝治河決獄供億師旅往來戴星出入目不交睫者六七年以勞卒官府志

葉琪字其玉桐城人以貢知洛陽縣時河決金龍口茂議築塞郡縣供夫運柳爲掃具隄上積若邱山洛距河遠民不堪命琪爲力請當事柳得折半洛人賴之安慶府志

倪天樞字臣北桐城人明季流賊逼城建議九條兩上防議事宜狀俱爲當事所採而危城得固順治癸酉膺茂薦授崇明訓導捐貲置學田以歲租周士時軍興孔亟天樞督率兵民協守

外新橋營海暑不避勞瘁卒於官安慶府志

張超載潛山拔貢任通州訓導與諸生言及其父清雅死難事未嘗不流涕亦所以教孝也升知慈利縣政先德化以己資修

建學宮邑連苗洞苗多侵民田掠男婦超載單騎入洞宣諭放還人以千計苗私餽二千金卻之不受歸年八十六卒湖南通志

慶府志

重修安徽通志卷百八十人物志 宣統

五 安慶府

潘映婁字次魯桐城人明季以貢授台州推官入

國朝擢杭州鹽法道爲忌者所誣下吏浙商千餘人號泣稱冤遂得免調福甯道政務寬慈士民頌之安慶府志

姚文烈字觀侯桐城舉人官漢陽推官明允詳慎轉辰州同知遷楚雄知府地雜民獠文烈撫以恩信人心悅服金山賊伏莽

親馳其營招徠因戢甯之以艱歸士民遮擁車不得前江南通志

左國林字鶴巖桐城人忠毅光斗子也以舉人授儀真教授薦升南雄推官持法平恕不寬一民所活疑獄數十人遷河南同

知未之任卒於官安慶府志

葉文鳳字紫羽桐城人以貢考選推官改知長興縣多異政歲

早齋禱惟虔日徒步詣龍井故事磔犬血井可興龍文鳳毅然曰龍神物豈可以犬汚遂齧指滴血井中澍雨大沛安慶府志

戴宏烈字山民桐城人以舉人知成都縣地衝民瘠賦調絲役軍需儲待往來郵傳頓置皆取給焉宏烈應時立辦民無苛擾尤加意撫綏歲增戶口千餘墾田數萬頃暇則修舉廢墜如武

侯祠堂浣花琴臺以次修復上官方擬薦而宏烈以勞卒安慶府志

吳子雲字霞蒸桐城人順治乙未進士官國子監助教勸於訓課升刑部主事權稅臨清專尚寬政商賈悅服晉戶部郎授僉

憲督學河南奏最以參議用乞養歸安慶府志

姚文燮桐城人順治己亥進士授建甯推官地據閩上游崇山峻嶺盜賊多爲民患俗以睚眦相仇殺案如山積文燮片言立

判囹圄爲空閭疆初闊清丈量代民籌款造戰船以甦民困報最改知雄縣值大水民多流徙文燮招徠復業者予以荒地耕

種捐資築城垣隄岸又請免被水田租修學課士邑志殘缺更

重修安徽通志卷百八十人物志 宣統

六 安慶府

爲蒐討士民懷之遷開化同知尋署阿迷州爲吳三桂所囚乘間逃還滇寇平乞養歸一統志

江皋字在涓桐城人順治辛丑進士知瑞昌縣瑞地鄰楚秀民多竄山谷間劫掠上官議剿皋多方誘諭盡解散之歷守瑩昌

官軍入蜀皋與帥約軍卒無符信不得入境忽有數騎入村漁奪悉囚送軍門斬以徇一軍肅然改補柳州僞逆初平殫心綏

輯流亡復業他邑民有被掠在柳者悉資送之飭關津撫徭徭

新柳侯祠柳人嚮學者奉以爲師遷四川提學去之日遠近送

者相望不絕後補平慶道運給軍糈歷隴塞賀蘭諸險作籌邊

九策擢大參罷歸卒年八十一一統志

姚文燕字翼侯桐城人順治辛丑進士知德安縣值南康賊潰壓城守兵僅四千人居民百餘家文燕夜撤東西北三門兵民

盡登南城羅銅器以代金裂彼帛以爲旗束蘆葦以代炬金鼓震天賊疑援至遂遞舉循良第一例補臺省未任而卒

安慶府志

姚銳桐城監生四川梓潼知縣調富順擢知雅州稱敏幹卒於官其弟合州牧孔鏞卽攝其篆政相頡頏州人比之宋時二呂雍正七年銳子淮復知雅州亦有賢聲

四川通志

王尹字亞衡懷甯人順治辛丑進士知順德縣順德繁劇尹一切供億不取辦里戶嚴絕羨耗順民德之簿書盈案批閱興除悉中民隱邑素多盜摘發若神皆鳥獸散泣辜三載以勞瘁卒

官

安慶府志

阮涵字子靜懷甯舉人任襄陽推官因奉裁復令關西力行惠政山中有百歲老人命兒孫局與詣縣請涵出熟視不忍去曰昔有令某亦江南人仁慈廉恕距今七十餘年乃復見公也入

重修安徽通志

卷百八十 人物志

宦績

七

安慶府

爲工部主事民牽衣擁馬不得行者屢日

安慶府志

盧璣字爾琛潛山貢生知樂昌縣均徭役緩催科喪亂之餘哀鴻漸集升大名通判擢永甯同知永甯故南詔地羌蠻雜處德化漸摩俗爲一變署蒙化數月振興文學晉守溫州蒞任三月興利除害以勞卒官

江南通志

汪中和字子虛潛山人潛處要衝值軍興賦役不均建議立公臺法公私便之官江都學博修學課士周給單寒卒於官闔邑勒碑以志感焉

安慶府志

蕭蕙字叢玉太湖歲貢

懷甯志

知寶坻縣多惠政營築渡濟

民民稱便焉捐資修學請改寶坻爲大學上臺薦廉能第一以雙親未葬乞休歸年七十餘卒寶坻人請祀名宦

七十七以下
安太湖縣志

同邑曹昌穎官樂昌知縣爲邑請廣學額士林德之

安慶府志

孟之麟字睢應太湖拔貢永安知縣時羣盜蜂起官兵集軍事浩繁之麟多方應濟民得不困事平招集哀鴻尤多善政遷

安慶府志

守涿州理煩治劇游刃有餘民甚德之

安慶府志

張兆奎字序房郁宿松人順治初以歲貢歷鳳陽府教授捐資給貧生多賴以振科者遇士患難多方全乞休歸

安慶府志

任竣字松翰懷甯進士順治開由主事歷廣東南韶道勸農輕徭平反大獄剿平番禺南海新會諸縣賊矜釋無辜民德之

懷甯縣志

重修安徽通志

卷百八十 人物志

宦績

八

安慶府

張廷琰桐城人雍正二年任福建福清知縣四年春米價翔貴巨族居奇閉糴奸民乘機強糴廷琰諭以強糴者斬閉糴者配於是奸民斂跡而巨族減價又請大府開倉平糴民賴以安其治盜輕者黥面重者刳足宵小無敢窺境

福建通志

勞世沅懷甯舉人雍正九年知洪雅縣愛民課士頗多善政於先哲遺蹟尤加意修葺

四川通志

石毓璣字贊皇宿松人以貢考授中書學典籍事文辭暢達翰墨妍整以疾卒於京邸

安慶府志

陳五典字藥菴太湖拔貢知麻陽縣愛民重士麻陽運丁解米四川寇盜充斥生還者少五典詳請改折全活甚眾在任十年多惠政調息縣升瀘州知州歲旱虔禱甘霖立沛捐俸修學刻孝經以教士風俗一振解組歸

湖南通志

楊臣鄴字欽四桐城人康熙丁未進士知邯鄲縣軍書旁午部署撫綏民得安堵以艱歸起補光山歲饑賑恤全活無算建義學振士風光人稱關西夫子

安慶府志

姚文熊字望侯桐城人康熙丁未進士知蕭山縣闖亂未定檄

書旁午芻糗糧取給於邑調度有方而民不困又振興文教
優禮賢士遷陝西階州亂後凋敝悉除無名之徵上官按劄督
催文熊縛其吏之驕橫者撻而遣之遂從降調先是蕭山蝗起
移文於神忽大風雨蝗盡死又有逸盜自行歸獄曰夢父責之
不可累好官其神化如此既卒蕭人祀之名宦蕭山志
何亮功字次德桐城人以舉人知古田縣爲政寬簡與民休息
暇卽進諸生談經講學一變其僻陋之習卒於官邑人賻而歸
之安慶府志

姚文焱字彥昭桐城舉人官長洲教諭歲荒爲賑糜粥並監藥
局擇醫治疫全活甚多升峽江令革陋規輕徭役峽人德之以
報歸江南通志

戴芳字令及桐城舉人司鐸嘉定擢知仁懷縣值兵燹凋殘之
後極意撫循漸有起色邑歲稅茶數百金芳恐爲商民患罷之
重修安徽通志卷一百八十人物志安慶府志九

卒於官安慶府志
劉鴻都字爾雅桐城拔貢知廣昌縣土瘠民稀鴻都召墾荒地
千餘頃給以牛種戶口日增民無逋賦設義學勵士風邊徼之

地家絃戶誦致仕歸卒年七十八安慶府志
何永駿字龍牧桐城人以貢知洪雅縣兵燹之後士荒民疲永

駿課文章勸耕織風俗頓變
王師入東川例應洪民解餉禱於江神川水大發舟楫輸送較陸路

省費不貲升辰州同知連署府事案無留牘民咸德之以母老

乞歸安慶府志

江之泗字四友桐城舉人官通州學正一以鄉里授徒之法教
弟子員獎善誘不及情意藹然引年歸諸生紀其教績鐫之於

碑同邑張恂字子岐以貢官崇明縣教諭訓課稱良師升大理
寺司務性至孝迎母就養母思歸卽乞養終其身不出安慶府志
張芑字武仕桐城人康熙中以貢通判武昌擢知府事裁兵夏
逢龍以索餉鼓譟圍巡撫署芑正色叱之賊將加害父老數百
人奔號懇免賊囚之欲授以官芑罵而裂其劄賊犯荊州芑越
獄出東抵鄖穴錄狀上部請師剿賊會蘄州叛兵丁原在倡累
內訌芑與守備李醇計擒斬之駐道士泐檄屬縣討賊賊不敢
東下隨振武將軍克復黃州獲逢龍賊平擢工部員外郎一統志

姚士基字履若桐城人以舉人知羅田縣革陋規千金弭盜以
牌甲催科以紙早建公堂遷學宮祠忠烈置義冢設渡筏皆以
實心行實政將應行取而卒羅民焚香泣送建祠祀之稱姚公

重修安徽通志卷一百八十人物志安慶府志十
會羅田縣志

張廷瓚字占城桐城人大學士英長子康熙己未進士入翰林
陟宮尹趨承請輦屢應纂修之任

聖祖仁皇帝北征沙漠三臨絕塞以儒臣得與扈從之列屢被
殊恩益務恪慎分校禮閣典試山左皆弊絕風清尤熟於掌故一切大
著作多出其手子若霖字巖舉天性孝友好義樂施文行筆茂

稱令子焉江南通志
江廣譽字繡開桐城人康熙乙丑進士授臨邑知縣嘗謂民猶

子也忍腹削其子以自肥乎課賦徵漕曲盡撫字洗滌溪陋爬
櫛蠹垢胥吏不敢爲奸訟者至庭手批口決曲直立判飛蝗入

境爲文告神蝗盡徙去邑乏甘泉至是涌出民勒石曰江公井
以疾卒官安慶府志

陳堂謀字大匡桐城歲貢授青浦司訓改丞束鹿上臺重之屢
署州縣篆於束鹿則平牙行斗斛禁田糧詭寄於故城則免挑
河之苛派革糧里之幫解丈景州積年未清之廠除祁州額外
私徵之稅以艱歸遂不出安慶府志

王玘字其人桐城人由廩貢教習授樂城知縣歲革羨餘千金
浚升數百助民灌田樂人德之遷紹興通判開濬三江閘及杭
城內通商河道俱百餘年堙廢之蹟又佐開高寶等處下河監
督丁溪草堰兩海口適限報竣以卓異遷南河同知尋升彰德
知府致仕歸江南通志 安慶府志

吳玉藻字冰持桐城人以貢官內閣中書乞養歸親歿服除補
成都同知勤於吏治案無留牘攝馬湖雅州諸篆皆有治聲卒
於官貧無以敘上官爭賄之機始得歸安慶府志

重修安徽通志卷一百八十 人物志 宦績 十一 安慶府

姚士重字勃少桐城拔貢授宣城訓導建培風閣以養士遷新
喻縣丞署高安篆高安苦徭役不均為破圖編里民咸稱便勒
石誌愛又署新喻篆以漕務不忍苛民致仕歸安慶府志

錢旆字菽邕桐城人康熙戊辰進士知蒼溪縣以廉靜為治上
官或謂其不能試委署他郡縣公事立辦治獄悉中情法乃更
有能名將奏最而旆卒蒼民哀慕致購以歸其喪安慶府志

孫元衡字湘南桐城人以貢知新城縣潛孝婦小清河以殺
水勢築隄十八里以捍水衝捕蝗賑濟全活無算以卓異擢蜀
之漢州招徠流亡給牛勸耕會蠶蠶動身歷行開轉運不置

擢臺灣同知建文廟設義學歲饑令商船俱運米多者重其賞
否則罰於是南北客艘雲集米價大減民遂得不飢升東昌知
府母喪歸郡民塞道號泣一統志 福建各府志 江 安慶府志

張夔字次舉桐城人以貢歷知平山固安清苑皆畿輔近邑有
鄆民疑獄久未決夔至立辨又章氏婦為強暴所侮廉得其狀
一時稱為神明舉荒政建義學毀淫祠所至仁惠有聲擢大名
廣平兩郡同知督理河務漳水決身親畚鍤督禦隄防河患乃
息又捐俸賑給活災民數千人以勞卒官士民請祀名宦江南通志

高可極字爾建滑山歲貢知永豐縣下車即詳食鹽免充廣餉
捐買馬不起民夫以老乞歸士民焚香泣送數十里江南通志
姚士塾字序若桐城歲貢官陽山教諭提撕鼓舞一變其風遷
朝邑知縣首革編審費千餘金秦大饑流民載道捐資數千金
設粥廠四以食之令胥役搜灌莽中遺嬰負乳婦育之瘞其殍
贖民婦之鬻者還其夫以痺疾請告歸數年而朝邑民猶絡繹
來問疾卒祀之名宦安慶府志

重修安徽通志卷一百八十 人物志 宦績 十二 安慶府

姚士暨字注若桐城人以貢司諭睢甯培育寒士置祭器建烈
女祠歷遷刑部郎精律例論決平反大司寇佛倫張玉書亟稱
其才他司疑獄必令覆閱始奏值河南有大獄株連不休

詔擇員往勘以暨對

上曰此故尙書姚文然子耶宜可使果得情以報因病乞歸安慶府志
符茹穎字仲遂懷甯人康熙壬辰進士纂修子史精華授內閣

撰文中書舍人掌絲綸誥敕多出其手性孝友父學未厝不安
枕席兄蔚林官會稽令以吏事解官茹穎憂思成疾而卒安慶府志

姚士堂字佩若桐城舉人官中書舍人勤於其職所書制敕閣
下環觀歎絕入武功館纂修方略宏偉有制總裁者命以為程

方將字當時桐城歲貢歷官孝豐知縣減耗金寬徭役以廉讓
安慶府志